



Ме́сяца иу́ния в 16-й день

**Служба священномученику Гермогэну,
епископу Тобольскому
НА ВЕЛИЦЕЙ ВЕЧЕРНИ**

Блажен муж: 1-й антифён.

**На Го́споди, воззва́х: поём стихи́ры
священномученика на 8, глас 1.**

Подобен: Всехва́льнии мученицы:

Приидите, вернии, воспоём святителя, / похвалу́ Рос-
сыйския земли, Це́ркви украше́ние, / твёрдаго испо-
вѣдника и беззако́ния обличителя, / священномученика
Гермогэна сла́внаго, / течение своё мужески сконча́в-
шаго, / молящегося о нас ко Го́споду, // дарова́ти душам
нашим мир и ве́лию ми́лость.

**По́прище земна́го жития́ своего́ досто́йно прошёл
еси́, / ко́зни лука́ваго врага́ смире́нием сокруша́я, / до
сме́рти Христу́ послѣдуя: / и ны́не со святы́ми во оби́телех
Небе́сных водворя́ясь, / па́ству свою́ назира́еши, моля́
Христа́ Бо́га на́шего, // дарова́ти душам на́шим мир
и ве́лию ми́лость.**

**Вои́стину Христу́ послѣдовал еси́, / священномуче-
ниче Гермогэне, / ду́шу свою́ Ему́ преда́ и во́лю Его́ при́с-
но исполня́я, / те́мже и па́стве своей́ досто́йный о́браз
по́дал еси́. / И ны́не моли́ся о нас ко́ Го́споду, / да укрепит
нас благода́тию Своёю, / жити́е на́ше благоче́стно
соверши́ти, // и дарова́ти душам на́шим мир и ве́лию
ми́лость.**

Киими пѣсенными добрѣтами воспѣем святителя Христова, / Цѣркви крѣина светлѣйшаго, / и наставника ко свѣту Богоразумия, / мученика прехвальнаго и о пастве своѣй молитвенника: / егѣже предстательством, Христѣ Бѣже, / врагов шатанія низложѣ, // и душам нашим даруй велию милость.

Богословія догматы постигнув, / паствырем и верным чадам веру православную нерушимо проповѣдал еси, / в гонѣніях пребывая и судьбу Цѣркви разделяя, / законне подвизаяся и благодатию венчаяся: / и ныне молися о нас ко Господу, // во учѣнии истинном стояти и сим укреплятися.

Правило веры и образ мужества явил еси, отче Гермогене, / егда от богоборцев в темницу заточаемъ, / за Цѣрковь Христову мученическую смерть приѣл еси, / темже и венцемъ правды украси тя Господь, / Егѣже моли и нам почитающимъ тя, // веру соблюсти и венцевъ небесныхъ сподобитесь.

Днесь совершающе память священномученика Гермогена, / кровию своєю ризу житія своего украсившаго, / страданіемъ Царствія Бѣжия достигшаго, / и дерзновение к Бѣгу стяжавшаго: // просимъ егѣ даровати душамъ нашимъ мир и велию милость.

Слѣва, гласъ 8:

Подражая пути крестному Господа нашего, / житіе свое ближнимъ отдал еси, / служение паствыское благоговѣно совершая, / и ныне, предстоѣ престолу Святѣя Троицы, / молися, отче Гермогене, / да не погибнемъ в пучине земнаго житія, / но избавимся отъ всякихъ бѣдъ и обстояній // святыми твоими молитвами.

И ныне, Богородиченъ воскресный, гласъ тойже:

Царь Небесный за человеколюбие на земли явился, / и с человеки поживе: / от Дѣвы бо Чистыя плоть приѣмый, /

и из Нея прошéдый с восприя́тием: / Еди́н е́сть Сын, су-
гу́б естество́м, / но не Ипостáсию. / Тёмже соверше́нна
Того́ Бо́га, / и соверше́нна Челове́ка вои́стину пропове́-
дающе, / испове́дуем Христа́ Бо́га на́шего: / Егóже моли́
Ма́ти Безневéстная, // поми́ловатися душа́м на́шим.

Вход. Прокімен дне. Чтёния три святітелю.

Прітчей чтёние (главы 3 и 8):

Па́мь прáведнаго с похвала́ми, и благослове́ние
Госпо́дне на главе́ егó. Блаже́н человек, іже обрете́
Прему́дрость, и сме́ртен, іже уве́де ра́зум. Лу́чше бо сию́
купова́ти, неже́ли злата́ и серебра́ сокровища. Честне́йшая
же е́сть ка́мений многоце́нных, все же честно́е недостóйно
ея́ е́сть. Долгота́ бо дней и ле́та живота́ в десни́це ея́,
в шу́йце же ея́ бога́тство и сла́ва, от уст ея́ исхо́дит пра́вда,
зако́н же и ми́лость на язы́це но́сит. Послу́шайте ўбо
мене́, о ча́да! честна́я бо реку́, и блаже́н человек, іже пути́
моя́ сохранит, исхо́ди бо мой исхо́ди живота́ и уготовля́-
ется хоте́ние от Го́спода. Сего́ ра́ди молю́ вас и предлага́ю
мой глас сыновóм челове́ческим, я́ко Аз, Прему́дрость,
устроих сове́т, и ра́зум, и смысл Аз призва́х. Мой сове́т
и утвержде́ние, Мой ра́зум, Моя́ же кре́пость. Аз Мене́
любя́щая люблю, и́щущии же Мене́ обря́щут благода́ть.
Разуме́йте ўбо, незло́бивии, кова́рство, ненака́заннии
же, прилага́йте сердца́. Послу́шайте мене́ и па́ки, честна́я
бо реку́: и отве́рзу от усте́н пра́вая, я́ко істине поучи́тся
горта́нь мой, ме́рзски же пре́до мно́ю устны́ лжи́выя.
С пра́вдою вси глаго́лы уст мои́х, ничто́же в них стро́потно,
ниже́ развра́щенно. Вся пра́ва суть разумева́ющим,
и прóста обрета́ющим разум. Науча́ю бо вас істине,
да бу́дет о Го́споде наде́жда ва́ша, и испо́лнитесь Ду́ха.

Прему́дрости Соломо́новы чтёние (главы 10, 6 и 9):

Уста́ прáведнаго ка́плют премудро́сть: устне́ же
муже́й му́дрых ве́дят благода́ть. Уста́ му́дрых поуча́тся

премудрости, правда же избавляет их от смерти. Скончавшуся мужу праведну, не погибнет надежда. Сын бо праведен рождается в живот, и во благих своих плод правды объимет. Свет праведным всегда, и от Господа обрящут благодать и славу. Язык мудрых добрая свесь, и в сердце их почиет мудрость. Любит Господь преподобныя сердца, приятни же ему вси непорочнии в пути. Мудрость Господня просвещает лице разумнаго. Постигает бо желающия ю, прежде даже разумети ю: и удобь узрится от любящих ю. Утреневавый к ней не утрудится: и бдяй ея ради, вскоре без печали будет. Яко достойных ея сама обходит ищущи: и во стезях ея является им благоприемне. Мудрости никогдаже одолеет злоба. Сих ради и рачитель бых доброты ея: и возлюбих ю, и поисках от юности моея: и взысках невесту привести себе, яко всех Владыка возлюбил ю. Тайница бо есть Божия хитрости, и обретательница дел Его. Труды ея суть добродетели: целомудрию же и разуму та учит, правде и мужеству, ихже потребнее ничтоже есть в житий человеком. Аще же и многаго искусства желает кто весть древняя, и быти хотящая разсмотрит: Свесь извятие словес, и разрешение гаданий: знамения и чудеса проразумет, и сбытия времен и лет: и всем советник есть благ, яко безсмертие есть в ней и благославие во общении словес ея. Сего ради беседовах ко Господу, и помолихся Ему, и рех от всего сердца моего: Боже отец и Господи милости, сотворивый вся Слово Твоим, и мудростию Твоею устроивый человека, да владеет бывшими от Тебе тварьми, и да управляет мир в преподобии и правде: даждь ми Твоих престолов приседящую Премудрость, и не отлучи мене от отрок Твоих, яко аз раб Твой, и сын рабыни Твоея. Посли Ю с небес от Святаго жилища Твоего и от престола славы Твоея, да сущи со мною научит мя,

что благоугодно есть пред Тобою: и наставит мя в разум, и сохранит мя в славе своей. Помышления бо смертных вся боязлива, и погрешительна умышления их.

Премудрости Соломоновы чтение (главы 4, 6, 7 и 2):

Похваляему праведнику, возвеселятся людие: безсмертие бо есть память его, яко от Господа познавается, и от человек: и угодна Господеви душа его. Возлюбите убо, о мужие, мудрость, и поживете: восхощите ея, и наказани будете: начало бо ея любви, и соблюдение закона. Почтите Премудрость, да вовеки царствуете. Возвещу вам, и не скрью от вас Таин Божиих: яко Той мудрости Наставник есть и мудрых исправитель, и всякому смыслу и делу хитрец. И всем смыслом научит мудрость: есть бо в ней дух разумен и свят, и сияние света присносущнаго, и образ благодати Божия. Та други Божия и пророки устроит: благолепнейши же есть солнца, и паче всякаго сотворения звезд, свету сосуждаема обретается первейши. Та угождающих ей от болезней избави и настави на стези правыя. Дадé им разум имéти свят, и сохранí я от ловящих, и подвиг крепок подадé им: да разумéют вси, яко сильнейши всего есть благочестие и никогдаже преможет злоба мудрости, ниже прейдет злыя обличающи суд. Рекоша же в себе, помысливше неправедно: насильствуем праведному, и не пощадим преподобства его, ни усраммимся седин старости многолетны. Будет нам крепость закон и уловим праведнаго, яко неугоден нам есть, и противится делом нашим, и поносит нам отпадение закона, и обличает нам согрешения наказания нашего. Возвещает нам разум имéти Божий, и отрока Господня себе именует. Бысть нам на обличение помышлением нашим, и тяжек нам есть, и видим, яко неподобна иным житие его, и изменены стези его: в поругание вменихомся ему, и удаляется от путей

наших, яко от нечистот, и блажит последняя праведных. Увидим убо, аще словеса его истинна суть: искусим, яже сбываются ему. Руганием и мукою истязем его, да разумеем кротость его, и искусим беззлобство его: смертью безобразною осудим его, будет бо посещение от словес его. Сия помыслиша, и прельстишася: ослепи бо я злоба их, и не разумеша Таин Божиих, и не рассудиша, яко Ты еси Бог Един, живота имеяй и смерти власть, и спасааяй во время скорби, и избавляяй от всякаго зла. Щедр и Милостив и дай преподобным своим благодать, и Своєю мышцею гордым противляйся.

На литии стихира храма.

По сем стихире священномученика, глас 8:

Приидите, верных собори, / воспевающе похвалу Сибирския земли, / священства украшение, / печальных утешителя, о грешных ко Господу молитвенника, / теплаго нашего предстателя, / священномученика Гермогена, / молящегося о нас ко Господу, // подающего нам велию милость.

Слава, и ныне, Богородичен, глас тойже:

Да ликовствует светло верных множество, / рыдает же демонское воинство, / видяще многоименныя сияющия праздники Божия Матере: / идеже славится Преподобнословенная Владычица, / неприязни есть падение, // христианом же крепкое утверждение.

На стиховне стихире самогласны, глас 6:

Яко звезда многосветлая, / утвержден прехвальне, / Церковь Русскую кровью своими украсил еси, / до смерти веру во Христа исповедуя. / Молись от тли и бед избавитися // верно творящим всечестную память твою.

Стих: Праведник яко финикс процветет, / яко кедр, иже в Ливане, умножится.

Архиереев красотó, и мучеников славо, / óтче Гермогéне, / моли́ Всемилостиваго Спа́са / Цёрковь Свою́ в véре соблюсти́, // мир умирíti и спасти́ дýши наша́.

Стих: Насаждённии в дому́ Господни, / во двóрех Бóга нашего процвету́т.

Свётом жития́ твоегó просвети́в страну́ Росси́йскую, / исповéданием твёрдым и моли́твою своею́, Гермогéне блажённе, / отжени́ тьму нестроéний и бед, // моля́ Христа́ Бóга о спасéнии душ наших.

Сла́ва, глас 4:

Цёркви святéй служи́телю, / терпéнием и смире́нием слéдуя за́поведем Христовым, / плод мученический при-не́сл еси́, сла́вне Гермогéне, / и ны́не предстоя́ще престóлу Творца́ всяческих: // моли́ся о всех чту́щих па́мь твою́.

И ны́не, Богорóдичен, глас то́йже:

При́зри на молéния Твои́х раб, Всенепорóчная, / утоля́ющи лю́тая на ны восста́ния, / вся́кия ско́рби нас изменя́ющи, / Тя бо Еди́ну твёрдое и извёстное утверждéние íмамы / и Твоё предста́тельство стяжа́хом, / да не постыди́мся, Влады́чице, Тя призыва́ющи, / потщи́ся на умоле́ние Тебе́ véрно вопию́щих: / ра́дуйся, Влады́чице, всех по́моще, ра́досте и покрóве // и спасéние душ наших.

На благословéнии хлебóв тропáрь священномученику, двáжды. И Богорóдице Дéво: еди́ножды.

Тропа́рь, глас 7:

Во святите́лех дивен показáлся еси́, / ре́вностию по Бóзе окрыля́ем, священномучени́че Гермогéне. / И па́стве Сиби́рстей путево́ждь во стра́даниях явля́ясь, / с ца́рственными страстотéрпцами úзы и заключéния разделя́я, / и страда́льчески путь сконча́вше: / на небесéх мзду трудо́в твои́х восприя́л еси́, // моли́ся за наро́д наш ко Го́споду.

НА УТРАНИ

**На Бог Господь: тропарь священномученика,
дважды.**

Слава, и ныне, Богородичен, глас тойже:

Яко нашего воскресения сокровище, / на Тя надеющихся, Всепетая, / от рова и глубины прегрешений возведи, / Ты бо повинная греху спасла еси, / рождающая Спасение наше, / Яже прежде рождества Дева, и в рождестве Дева, // и по рождестве паки пребываеши Дева.

По 1-м стихословии седален, глас 4:

Домом на твердем основании веры непоколебим волнами житейскими явился еси, образ христианского подвига являя, страстотерпче Гермогене, людем земли Сибирския благодатную помощь и укрепление в скорбных обстояниях ныне даруеши.

Слава, и ныне, Богородичен:

Кто подостойнству щедроты Твоя исповесть, Чистая? Людем Твоим являеши заступление и предстательство, от тьмы греховных возводящи.

По 2-м стихословии седален, глас 4:

Яко заря пресветлая в земли Сибирстей явился еси, всему миру даруя свет подвига твоего, отче Гермогене, светоносне, мучеников похвало.

Слава, и ныне, Богородичен:

Пречистыя рuce Твой, Дево Мати, простерши, покрый уповающие на Тя, и Сыну Твоему зовущия: спаси нас, Господи.

Величание:

Величаем тя, / священномучениче Гермогене, / и чтим честная страдания твоя, / яже за Христа претерпел еси.

Псалом избранный святительский:

Услы́шите сия́, вси язы́цы, внуши́те вси живу́щии по вселенней.

Уста́ моя́ возглаго́лют премудро́сть и поуче́ние се́рдца моего́ ра́зум.

Прииди́те ча́да, послу́шайте мене́, стра́ху Господню научу́ вас.

Благовестих правду в Църкви велицей, се устнам моим не возбраню́.

Пробави ми́лость твою́ веду́щим тя и правду твою́ правым се́рдцем.

Сла́ва, и ны́не: Аллилуия: (трижды).

По полиелеи седален, глас 8:

Дар благода́ти Бо́жия прия́в и любóвию ко Го́споду исполня́ем, / му́ченическое течéние соверши́л еси́, / Гермогéне блаже́нне, страда́нии свои́ми Църковь украсил еси́, / канóны Ея́ от мирска́го мудрова́ния сохрани́л еси́, / и ны́не моли́ся ко Го́споду // спасти́ся душам на́шим.

Сла́ва, и ны́не, Богородичен:

При́зри у́бо, Влады́чице, на рабы́ призыва́ющия Тя и тре́бующия Твоея́ по́мощи, Благода́тная, да́руй стране́ Росси́стей на враги́ держа́вное одоле́ние: ви́новна бо еси́ всех благих, Ве́чную Бла́гость нам воплотившая, небеси́ хвало́ и ми́ру Помо́щнице.

Степéнна, 1-й антифо́н 4-го гласа: От юности моея́:

Прокі́мен, глас 4: Честна́ пред Го́сподем / смерть преподо́бных Его́. Стих: Что возда́м Го́сподеви о всех, я́же воздаде́ ми?

Всякое дыхание: Ева́нгелие от Иоáнна, зача́ло 36.

По 50-м псалме стихира, глас 6:

Сосуд избрán Ду́ха Свята́го был еси́, / ду́шу очисти́в от страсте́й, свяще́нне, / отню́дуже Божéственное по-

ма́зание прия́л еси́, святи́телю, / наста́вниче люде́й богому́дрый, и му́чениче непобеди́м, / нас ра́ди стра́сти Пре-терпе́вшаго, и безстра́стие Исто́чившаго, // страда́льче Гермоге́не.

Кано́ны Богоро́дицы на 6 и священному́ченика на 8.

Кано́н священному́ченика, глас 2,
его́же краегране́сие: **По́двиг поём святи́теля**
и му́ченика пресла́вна.

Песнь 1

Ирмо́с: *Грядите, лю́дие, / по́йм песнь Христу́ Бо́гу, / разде́льшему мо́ре, и наста́вльшему лю́ди, / я́же изведе́ из рабо́ты египетския: // я́ко просла́вися.*

Припе́в: **Святы́й священному́чениче Гермоге́не, моли́ Бо́га о нас.**

Перворожде́нна от Отца́ Христа возлюбил еси́, по́двигом Его́ жизнь свою́ освяща́я, ду́ши на́ша просвети́, я́ко да воспева́ем тя.

О розго́ плодоно́сная земли́ Херсо́нская, в Сиби́рь отдале́нную пришёл еси́, тепло́ любве́ Божественныя прине́сши лю́дем правосла́вным, и ны́не моли́ Христа́ Бо́га спасти́ся душа́м на́шим.

До́брое зерно́ ве́ры Правосла́вныя от плевел очища́я и горя́ любóвию ко Го́споду, учёными богосло́вскими ю́ные сердца́ просвети́л еси́, бли́жним ра́дость присносу́щную да́руя.

Богоро́дичен: **Воплощённаго Бо́га из Тебе́ ве́мы, Су́щаго прёжде всея́ тва́ри, и прёжде всех век: те́мже Тя и́стинную Богоро́дицу воспева́ем.**

Песнь 3

Ирмо́с: *Утверди́ нас в Тебе́, Го́споди, / дре́вом умерщвле́й грех, / и страх Твой всади́ // в сердца́ нас пою́щих Тя.*

Избранный достойно на служение архирейское во граде Саратове, идеже подвигом добрым подвизаяся, любовь народную стяжал еси.

Горé имéя óчи сердéчныя, иноков отéчески наставлял еси ревновати о чистотé монашескаго жити́я, óтче блаженне, и путём крестным шéствовать научая.

Пастырь благоговéйный явился еси, слúжбы церкóвныя со слезáми покая́ния и умилен́ия совершáя, тэмже у престóла Всевы́шняго ны́не предсто́иши.

Богорóдичен: От мёртвости ум наш отрясла́ еси, Победившаго смерть нам рóждшая, и одéжду нам исткáла еси нетлénия, Дев́ице, Рождеством Тво́им.

Ин конда́к священномученика, глас 5:

Утверждéние вéры правосла́вныя, / и любви́ Христо́вой проповéдание, / па́сты Сибíрския похвалó, Цérкви Рýсския сла́во, / исповéдничество и мученичество за Христа́ подъя́л еси́, / свидéтельствуя да́же до смёрти пред лицём богобо́рцев, / моли́твенно в рúце Бóжии дúшу свою́ преда́в, / священномучениче Гермогéне, // моли́ Христа́ Бóга спасти́ся душáм нáшим.

Седáлен священномученика, глас 4:

Егда́ Дúхом просвещён быв Божéственным, свирéпство людéй безбо́жных дерзновéнием па́стырским посрамил еси́, и мученическую конч́ину, Христа́ ради́, при́ял еси́, сла́вне, и ны́не, предсто́я Святéй Трóице во сла́ве, моли́ даровати́ нам вéлию мýлость.

Сла́ва, и ны́не, Богорóдичен:

Мáтерь Твою́ приводим Ти в моли́тву лю́дие Тво́й, Христé Бóже, мольбáми Ея́ щедрóты Тво́я даждь нам, Благи́й.

Песнь 4

Ирмо́с: *Услы́шах, Го́споди, / смотре́ния Твоего́ та́инство, разумéх дела́ Тво́я, // и просла́вих Твоé Божество́.*

Святителю дивный, достоин пастырь Христова стада явился еси, овцы своя от расхищения спасаая, молися о душах наших.

Во дни смуты пастве своей образ верно подал еси, презирая злобу безбожных супостатов, от них же за имя Христова скорби многия претерпел еси, молися, святителю, о чтущих память твою.

Якоже сад благоцветущ, славный град Тобольск возлюбил еси, святителю, во времена нестроений паству свою верно упасл еси, и ныне молитвами твоими православныя люди сохраняеши невредимы, Гермогене преславне.

Богородичен: Твоим светом просвети, Пречистая, омраченную душу мою, Яже Свет рождающая Ипостасный и Превечный.

Песнь 5

Ирмос: Света Подателю, / и веков Творче, Господи, / во свете Твоих повелений настави нас: // разве бо Тебе иного Бога не знаем.

Имеяй любовь к чадам своим духовным, ночныя молитвы ко Христу возносил еси, святителю, да сохранит люди Своя в истинней вере.

Томление души претерпевая и предвидя узы своя от неверных человек, Гефсиманским молением молился еси, живот свой Богу предавая, и ныне о нас Христу молися, мужество душам нашим даровати.

Егда прииде время испытания и кровавыя смуты, яко адаманти веры Православныя явился еси, отче Гермогене, и ныне, яко камень драгий, сияеши на Небеси, во Царствии Христа, Бога нашего.

Богородичен: Любовь к Тебе, Чистая, надежду твердую и веру несомненную стяжахом, Богородице: спаси души наша.

Песнь 6

Ирмос: *В бездне греховней валяясь, / неизследную милосердия Твоего призываю бездну: // от тли, Бóже, мя возведи.*

Ят бысть и в темницу от беззаконных ввержен, службу Божию тамо не оставил еси, паству свою в молитвах поминая, и Бóга моля о сохранении стада церковнаго.

(Дважды)

Имьяй велие терпение и смирение, осветил и благоухал еси мрак темницы своея, полчища бесовския молитвою сокрушая, исповедниче Христов, Гермогене преславне.

Богородичен: **М**ира всего вземлющаго грехи, Христа рождши, Пречистая, не претай просящи грехов прощения даровати рабom Твоим.

Кондак, глас 4:

Подвиг святительский добре свершившаго / и течение мученическое мужественно скончавшаго, / прославляем тя, священномучениче Гермогене, / яко предстателя пред Господем // за страну Российскую.

Икос:

Чада церковная, достойно вознесем хвалу доблестному страдальцу и воину Христову, молит бо Спаса исцелити души наша от страстей, Церковь же Свою сохранить в мире и единомыслии, темже вопием ему: от бед избави ны присно молитвами твоими.

Песнь 7

Ирмос: *Образу златому на поле Деире служиму, / трие Твои отроцы небрегоша безбожнаго веления, / посреде же огня ввержени, орошаеми пояху: // благословен еси, Бóже отец наших.*

Егда беззаконныя людие кончину уготоваша ти, честный отче, убоявшеся исповедничества твоего,

Господь незримо укрепляше ты благодатию Своею, ёуже ныне прославляешия.

Несомнённую надежду имущи на Господа, верныя чада твоя потщашася об освобождении твоём, отче Гермогене, и тако новыя священномученицы Ефрем, Петр и Михайл явились суть.

Истинно темницу свою училищем духовным нарекл еси, и кончине праведней предуготовился еси, молитв прося у мира всего о душе своей. Молися ныне о душах наших.

Богородичен: К Богородице притецем, сущии в печалех, благочестно взывающе: благословенна, Яже Бога плотию рождающая.

Песнь 8

Ирмос: В пещь огненную ко отроком еврейским снизшедшаго, / и пламень в росу преложшаго Бога, / пойте дела яко Господа, // и превозносите во вся веки.

Аще во тьме ночней и глубине вод кончину мученическую приял еси, Гермогене преславне, но ныне паче солнца сияеши пред престолом славы Господа нашего, моляся о всех нас.

Подобно древним страстотерпцам Богу угодил еси, венец славный стяжав кончиною своею, святителю, сего ради дерзновение стяжав ко Господу, молися крепость в страданиях и велие долготерпение нам даровати.

Речная глубина тело твоё святое не удержала есть, и яко сосуд благовонный, изнесла есть, благословение молитвами твоими даруя и прошения исполняя всем с верою притекающим к тебе.

Богородичен: Едина к Богу руководительница и вход: Едина ходатаица вечных благ, Едина болящих посещение: Едина падших исправление, Владычице, помилуй мя единого, паче всех согрешившаго.

Песнь 9

Ирмос: *От Бóга Бóга Слóва, / неизреченною мýдростию, пришéдшаго обновíti Ада́ма, / я́дию в тлéние па́дшаго лю́те, / от Святы́я Дéвы неизреченно Вопло́тившагося нас ра́ди, // вéрнии единомýдренно пéсньми велича́ем.*

Со благоговéнием покланя́емся Гóсподу, чудéсно явívшему честное тéло твоé, óтче, вéрным ча́дом твоим: Емýже ны́не, благодарственныя моли́твы прино́сим.

Любóвию чтúщих тя не оста́ви, святителю Гермогéне, ходата́йствуя о нас пред Бóгом, да земное по́прище досто́йно соверши́ти возмо́жем.

Архипа́стырское служéние дóбре соверши́л еси́, я́ко а́гнец словéсный от А́гнца Бóжия дар мýченичества восприя́л еси́, и ны́не предсто́я престóлу Всевы́шняго, моли́ся о нас ко Гóсподу спасти́ся душáм нáшим.

Богорóдичен: Вéрнии Тя, Богорóдицу Пречи́стую, Дéву и Мáтерь Слóва, единомýдренно пéсньми велича́ем.

Свети́лен:

Нóвым мýчеником Рýсским соедини́лся еси́, священномýчениче преслáвне, и ны́не моли́ся о земнóм отéчестве твоéм у Престо́ла Вседержи́теля, и нас к дéлу любвé и еди́нства церкóвнаго упра́ви, и причáстники Цáрствия Бóжия соде́лай.

Слáва, и ны́не, Богорóдичен:

А́нгелом и челове́ком яв́илася еси́, Влады́чице, глáсы раб Твои́х услы́ши, и от вся́ких бед изба́ви нас святы́ми моли́твами Твои́ми.

На хвалíteх стихи́ры, глас 4:

Возсия́ благода́ть от честных моцéй твои́х, / священномýчениче Гермогéне, / освяща́ет дýши вéрных и разгоня́ет тьму страстéй, / сего́ ра́ди к тебе́ припада́ем

и благодарно вопиём: // слава Богу, дивному во святых Своих. **(Дважды)**

Вся красная мира сего ни во чтоже вменив, / святителю Гермогене, / поприще земное яко безплотен совершил еси, / образ верным словом, делом, житием и любовью подал еси: / и ныне во обителях Небесных вечных благ наслаждаешься, / не остави чад твоих, // помози нам грешным путь свой верно совершить.

Во время смуты, отступления и богоборчества, / твердый камень исповедания веры Христовой явился еси, / Богу всем житием твоим послужил еси, / Ангелов собеседниче, святителей похвало и мучеников сопричастниче, / и ныне, святителю, не остави нас сирых, // но молися ко Господу спастися душам нашим.

Слава, глас 4:

Якоже маслина на трапезе Божией положился еси, / предлагая пищу верным чадам своим, / души исцеляя, сердца веселя, / бесы изгоняя, безбожных посрамляя: / о Церкви Христовой молися, священномучениче Гермогене, / о Русстей земле и христоробивых народах ея, / да тихое и безмолвное житие проживем во всяком благочестии и чистоте, // и Царствия Небеснаго наследники нас быти сподоби.

И ныне, Богородичен, глас тойже:

Богородице, всех Царице, православных Похвало, / еретичествоующих шатания разори, и лица их посрами, / не кланяющихся, ниже чтущих Тя, Пречистая, // честный образ и Божественное Рождество Твое.

Славословие великое. И отпуст.

НА ЛИТУРГИИ

Блаженны от канона священномученику, песнь 3-я и песнь 6-я, на 8.

По входе, тропарь храма, тропарь священномученику, кондак храма. Слава, кондак священномученику. И ныне, кондак храма Господскаго или Богородицы.

Прокимен, глас 7: Восхвалятся преподобнии во славе, / и возрадуются на ложах своих. Стих: Воспойте Господеву песнь нову, хваление Его в Церкви преподобных.

Апостол ко Евреем, зачало 334.

Аллилуиа, глас 2: Священницы Твои облечутся в правду, и преподобнии Твои возрадуются. Стих: Праведник, яко финикс, процветет, яко кедр иже в Ливане, умножится.

Евангелие от Иоанна, зачало 52.

Причастен: В память вечную будет праведник, от слуха зла не убоится.

Зри: Аще восхощет настоятель праздновати не токмо память мученическа кончины святого Гермогена, но и обречение святых мощей его, августа в 20-й день, поем службу ему купно с по праздниством Успения Пресвятыя Богородицы сие:

На велицей вечерни, на Господи, возвах: стихирь праздника 3, и священномученика 5. Слава, священномученика. И ныне, праздника. На литии стихира храма, таже стихирь священномученика. Слава, и ныне, праздника. На стиховне стихирь праздника. Слава, священномученика. И ныне, праздника. На благословении хлебов тропарь священномученику, дважды, и праздника, единожды. На утрени, на Бог Господь: тропарь праздника, дважды. Слава, тропарь священномученика. И ныне, праздника. По стихословии седальны праздника. Каноны праздника на 6 и священномученика на 8. По 3-й песни кондак и икос праздника. Седален священномученика.

Сла́ва, и ны́не, пра́здника. По 6-й пе́сни конда́к и й́кос священному́ченика. Свети́лен священному́ченика. Сла́ва, и ныне, пра́здника. На хвали́тех стихи́ры на 8: пра́здника 4 и священному́ченика 4, с припе́вами стихо́вными. Сла́ва, священному́ченика. И ны́не, пра́здника. На часе́х тропа́рь пра́здника. Сла́ва, священному́ченика. Конда́ки священному́ченика и пра́здника чтем пременя́юще. На Литургии блаже́нны от кано́на пра́здника, песнь 3-я, на 6, и от кано́на священному́ченику, песнь 6-я, на 4. По вхо́де, тропа́рь пра́здника, тропа́рь священному́ченику. Сла́ва, конда́к священному́ченику. И ны́не, конда́к пра́здника. Прокі́мен, аллилуа́рий и прича́стен пра́здника и священному́ченика. Апóстол и Ева́нгелие священному́ченику.



**Акафист священномученику Гермогену,
епископу Тобольскому**

Кондак 1

Возбранный воине Царя Небеснаго и Христова стада наставниче, / добрый и изрядный пастырю, священномучениче Гермогене, / возсиявый в земли Сибирстей, яко звезда многосветлая, / тем же яко имея дерзновение ко Господу, / просвещение душам нашим даруй, да зовем ти: // **Радуйся**, священномучениче Гермогене, Сибирския земли светильниче.

Икос 1

Ангелов Творец, в Троице славимый, предуведывый чистаго сердца твоего изволение, показав ты миру истиннаго ревнителя благочестия и любви Христовой воплощение. Ведуще ты инока славна и пастыря добра, дарова тебе подвигом добрым подвизатися и течение жизни временныя мужественно скончати, нас же научая тебе воспевати таковая:

Радуйся, Богом избранный наш пастырю; радуйся, увенчанный архиерейскою благодатию.

Радуйся, чистым разумом Бога возлюбивый; радуйся, всею душею Тому послуживый.

Радуйся, в незлобии сердце твое хранивый; радуйся, яко Христово радостно восприявый.

Радуйся, земли Сибирстей благодатное дарование; радуйся, со святыми неба церковнаго украшение.

Радуйся, священномучениче Гермогене, Сибирския земли светильниче.

Кондак 2

Видя Благопромыслитель Господь души твоея доброту, направи твой помысел ко исканию единого на потребу; ты же спасения души своея возжелав, навыкль еси зывать Богу: **Аллилуиа**.

Икос 2

Разум просвещенный имея, всю суету привременных жизни презрел еси, тем же оставив мир и вся яже в нем, восприял еси чин Ангельский, возрадовав и родителя твоего, во иерейстем чине Богу служившаго. Сие изволение твое восхваляюще, глаголем ти сие:

Радуйся, дом родительский оставивый; радуйся, за Христом последовавший.

Радуйся, образе кротости и смирения; радуйся, восприемниче Христова терпения.

Радуйся, яко Царствие Божие обрел еси; радуйся, в Небесное Царствие вселился еси.

Радуйся, в рuce Божии себе отдавший; радуйся, любовью к небесу воспаривый.

Радуйся, священномучениче Гермогене, Сибирския земли светильниче.

Кондак 3

Силою Божиею укрепляемь, в иночестем подвиге потщался еси Христу Богу непорочным житием благоугодити, в Троице же поклоняемому Богу, яко орган златострунный, взывал еси: Аллилуиа.

Икос 3

Имея благодать священства добре носиму в благоухающем сосуде души твоея, во граде Тифлисе нраву чистому и благочестию церковному отроков юных научал еси, тем же видя тя, ревностию учительства пламенеющего, вопием ти сие:

Радуйся, помощи Божией непрестанное призывание; радуйся, молитвы Иисусовой сердечное памятование.

Радуйся, юности присное вразумление; радуйся, буйства ея премудрое исправление.

Радуйся, от смерти греховныя спасаая; радуйся, страху Божию научая.

Ра́дуйся, ю́ные сердца́ благода́тию исполня́яй;
ра́дуйся, к жи́зни вѣчной руково́дствуяй.

Ра́дуйся, священномучениче Гермогѣне, Сибѣрскія
земли́ свети́льниче.

Конда́к 4

Бу́рю скорбе́й и болѣзней претерпѣл еси́, священ-
номучениче Гермогѣне, в по́двизе учи́тельством нелѣност-
но пребыва́я, ю́ноши к церко́вному служѣнию уготовля́я
и преуспева́ти в жити́и благона́внем оте́чески наставля́я.
Они́ же в грядуще́е жити́я своего́ вре́мя с благода́рностью
пѣли Бо́гу: Аллилу́иа.

И́кос 4

Слы́ша и ви́дя мно́гия труды́ тво́я, Предвѣ́чный
Архиере́й наш, Госпо́дь Иису́с Хри́стосъ, жезл архи-
па́стырский и па́ству Сара́товскую смотре́нию тво́ему
вручи́. Мы же о сем весе́лящися, глаго́лем ти тако́вая:

Ра́дуйся, степѣни́ ино́чества прошѣ́дый; ра́дуйся,
святите́льский сан восприя́вый.

Ра́дуйся, стра́же Це́ркве неустраши́мый; ра́дуйся,
де́лателью виногра́да Хри́стова неутомимый.

Ра́дуйся, па́сты тво́ей му́дрый наста́вниче; ра́дуйся,
от волко́в губя́щих кре́пкий защи́тниче.

Ра́дуйся, во тьме се́дящия све́том Хри́стовым
озари́вый; ра́дуйся, от поги́бели их сохра́ниый.

Ра́дуйся, священномучениче Гермогѣне, Сибѣрскія
земли́ свети́льниче.

Конда́к 5

Я́ко звезду́ све́тлую показá ты на небесе́х в со́нме
священномучеников Госпо́дь Вседержи́тель, занé и на
земли́ был еси́ я́ко свети́льник, осиява́ющий ца́рство
правосла́вное све́том Ева́нгельскаго благове́стия и путе-
во́дствуя ко угожде́нию Еди́ному Бо́гу, во е́же пѣти Ему́:
Аллилу́иа.

И́кос 5

Видевши ты странá Россійская, рѣвностнаго служителя в годину тяжкую для Цѣркви и народа православнаго, возвышающаго глас свой за веру, Царя и Отечество, и сохранение в чистотѣ заветов апостольских. Сего ради и мы до сего дне озаряеми светом твоим, взываем ти:

Ра́дуйся, молитвами сердце своё освятивый; ра́дуйся, очи сердечныя к Бо́гу возводивый.

Ра́дуйся, проповеди спасения покоривыйся; ра́дуйся, добрый воин Христов явивыйся.

Ра́дуйся, на чада твоя с небесí взирающий; ра́дуйся, подвиг добрый совершати научающий.

Ра́дуйся, славу небесную возлюбивый; ра́дуйся, светильниче, во тме века сего возсиявый.

Ра́дуйся, священномучениче Гермогене, Сибірския земли светильниче.

Конда́к 6

Проповедник смирения и ревнитель благочестия словом и житием твоим был еси́, святителю Гермогене. Не устрашился еси́ поношения человеческого и нападения вражиих. С кротостью и долготерпением принимал еси́, яко от руки́ Божии, Ему́же и взывал еси́: Аллилу́иа.

И́кос 6

Возсиял еси́ на тверди церкóвней, яко светильник Божий, отче Гермогене, в па́стве твоёй явился еси́ наставником веры, высоты́ дýха и крепости́ благочестия. Во граде Сарáтове и Царицыне во всенарóдном пении ходы́ крестныя и богослужения непрестанныя совершал еси́, предувѣдевый времена́ смутныя. Тем же досто́йно сла́вим тя:

Ра́дуйся, па́стырю добрый, Бо́гу угодивый; ра́дуйся, за па́ству дýшу свою́ отдавый.

Ра́дуйся, о́вцы заблúдшия ко Христу́ обратíвый; ра́дуйся, враго́в це́ркве ре́вностно обличíвый.

Ра́дуйся, нищеты́ духо́вныя стяжа́телю; ра́дуйся, крóтости и смире́ния подáтелю.

Ра́дуйся, правды Христо́вой взыска́вый; ра́дуйся, венце́ мученичества от Го́спода получи́вый.

Ра́дуйся, священномучениче Гермогéне, Сибíрския земли́ светíльниче.

Конда́к 7

Хотя́ Человеколюбец Го́сподь испытáти ты, я́ко зláто в горни́ле, разлучи́ ты с па́ствою гра́да Сара́това и во оби́тель Жи́рoвицкую всели́, иде́же всеце́ло преда́вшись подвигом и моли́тве, бра́тиєю возлю́блен был еси́, за вся благода́ря Бо́га и ра́достно вопия́ Емú: Аллилу́иа.

И́кос 7

Но́вую и необори́мую стéну и огражде́ние неруши́мое оби́тели Жи́рoвицкия дарова́ ты Го́сподь, святи́телю Гермогéне. Подвигом бо до́брым подвизáлся еси́ в моли́тве и пла́че о неве́дущих Бо́га и заблúдших, те́м же и во Христо́во подо́бие, по сло́ву апо́стола, облéклся еси́. Сего́ ра́ди моли́твами твои́ми свободи́ нас от рабо́ты вра́жия и научи́ нас Еди́ному И́стинному Бо́гу служи́ти, восхваля́ющих ты си́це:

Ра́дуйся, а́нгелов жити́ем свои́м возвесели́вый; ра́дуйся, от страсте́й себе́ свободи́вый.

Ра́дуйся, ра́бе Го́сподень ве́рный; ра́дуйся, уго́днице Его́ усéрдный.

Ра́дуйся, Христо́вых за́поведей исполнítелю; ра́дуйся, благоче́стия ревнítелю.

Ра́дуйся, непрекло́нный Правосла́вия испове́дниче; ра́дуйся, ино́ческих уста́вов защи́тниче.

Ра́дуйся, священномучениче Гермогéне, Сибíрския земли́ светíльниче.

Конда́к 8

Стра́шное вре́мя бед и скорбе́й попусти́ Госпо́дь наро́ду ру́сскому, хотя́ отдели́ти пше́ницу от плéвели просла́вити рабо́в Свои́х, мы же терпе́нию их и испове́данию твёрдому за ве́ру правосла́вную науча́емся, сла́вяще Христа́ Бо́га, дивна́го во святы́х Свои́х, пою́ще Ему́: Аллилу́иа.

И́кос 8

Вся премúдро устро́я, Госпо́дь дарова́ тя архи-па́стыря земли́ Сибíрстей, Правосла́вия уста́вам храни́теля и во дни смúты всем ве́рным покрови́теля, раду́юща о твоём к нам пришéствии, воспева́ем ти тако́вая:

Раду́йся, ве́ры Правосла́вныя утвержде́ние; раду́йся, наде́жды в сердца́ наша́ вселéние.

Раду́йся, любóвь Христо́ву явля́яй; раду́йся, богомúдрыя умы́ услажда́яй.

Раду́йся, милосéрдия сострада́ния рачи́телю; раду́йся, чистоты́ серде́чныя блюсти́телю.

Раду́йся, об Оте́честве на́шем печа́льниче; раду́йся, тобо́льския ка́федры священнонача́льниче.

Раду́йся, священномúчениче Гермоге́не, Сибíрския земли́ свети́льниче.

Конда́к 9

Ви́девше лю́дие гра́да Тобо́льска́ тя, святи́телю, немóлчаго пропове́дника и ще́драго благотвори́теля, любóвию Христо́вою я́ко отца́ о ча́дех свои́х испо́лненнаго и пред престóлом Бо́жиим о них предста́теля, единогласно́ воспéша Бо́гу: Аллилу́иа.

И́кос 9

Витийство пёсненное не возмо́жет по досто́янию изрещи́ труды́ тво́я, святи́телю Гермоге́не, я́ко до́брый во́ин Христо́в подви́залься еси́, слúжбы Бо́жии соверша́я,

благочестие проповедавая и любовь ко Господу Иисусу горя, сего ради прими от нас похвалы сия:

Радуйся, молитвы о людях и мире совершая; радуйся, в трудех неленостных пребывая.

Радуйся, яко во бдениих неослабно пребывал еси; радуйся, яко безстрастие Христово стяжал еси.

Радуйся, смирения и незлобия учителю; радуйся, терпения и кротости хранителю.

Радуйся, враги своя любити научая; радуйся, любовь вражду побеждая.

Радуйся, священномучениче Гермогене, Сибирския земли светильниче.

Кондак 10

Краткое время святительства твоего, отче Гермогене, определи тебе Господь на земли Сибирстей, идеже волны нестроений и междоусобных брани врази спасения человеков воздвигше. Ты же, яко адамант, непоколебимо в вере пребыл еси, поя Богу: Аллилуиа.

Икос 10

Прещения мучителей не убоялся еси, святителю, крестным ходом град Тобольск освящая и Царственных узников с высоты Кремля благословляя. Мы же, дивящиеся крепости духа твоего, поем тебе такая:

Радуйся, Царя Небеснаго добрый воителю; радуйся, земнаго Царя верный служителю.

Радуйся, мирскаго мятежа укрощение; радуйся, христианскаго подвига возвышение.

Радуйся, мучителей не убоавыйся; радуйся, демонским кознем посмеавыйся.

Радуйся, испытание до конца претерпевый; радуйся, верным чадом образ добрый явивый.

Радуйся, священномучениче Гермогене, Сибирския земли светильниче.

Конда́к 11

Око́вы тяжкия, изгна́ние да́льнее и заклю́чение темни́чное претерпéл еси́, святи́телю, егда́ на му́ченичество взят был еси́ людьми́ злонра́вными и неве́рными и во еди́ном гра́де, во еди́но вре́мя с Ца́рственными страстоте́рпцами пребыва́л еси́, до́ндеже дости́гл еси́ восхо́да на голго́фу страда́ний твои́х, поя́ укрепля́ющему тебя́ Бо́гу: **Аллилу́иа.**

И́кос 11

Услы́шав ве́рныя ча́да твоя́ о у́зах твои́х, потща́шася свободи́ти тя, но не возмого́ша преодолéти кова́рства мучи́телей. И от них пострада́вше, вку́пе с па́стырем свои́м, побéдными по́честьями от Го́спода венча́шася. Мы же по́двиг их восхваля́юще, вопи́ем им си́це:

Ра́дуйтесь, Ефре́ме, Пе́тре и Михаи́ле, по́двиг соверши́вши; ра́дуйтесь, венцы́ побéды прия́вши.

Ра́дуйтесь, жизнь ве́чную получи́вши; ра́дуйтесь, со архипа́стырем свои́м пострада́вши.

Ра́дуйся, о́тче Гермоге́не, страда́ния претерпе́вый; ра́дуйся, за Ка́мень ве́ры Христа́ мучéние прия́вый.

Ра́дуйся, я́ко тéло твоé нетлénно яви́ся; ра́дуйся, я́ко Ца́рствие Бо́жие тебé ве́рно даде́ся.

Ра́дуйся, священномучéнике Гермоге́не, Сиби́рския земли́ светильниче.

Конда́к 12

Путь земна́го жити́я му́ченически скончавáя, крóтко моли́лся еси́ с пострада́вшими с тобо́ю в реце́ Турé, и по ма́ле вре́мени нетлénно обрéтеся на брэ́зе речне́м тéло твоé, и во град Тобо́льск принесéно бысть, и во грóбе святи́теля Иоáнна погребéно. Ны́не же просла́вися от христиáнских родóв, вопию́щих Бо́гу: **Аллилу́иа.**

И́кос 12

Пѣние у грѣба твоегѡ, угѡднече Бѡжий, приими от нас, совершающихъ пѡмѡть твою, я́ко тѣло твое́ на мно́гая лѣта сокры́то бысть, но невозмо́жно есть укрь́тисѡ светѣльнику под спѣдом. Бог же, вся му́дро устрѡяѡя, светѣльник вѣры твоеѡ на свѣщнице поста́ви и ско́раго помо́щника тя яви́, да вопиѣм тебѣ такова́я:

Ра́дуйся, до́брый по́двиг соверши́вый; ра́дуйся, тѣло нетле́нное благода́тию яви́вый.

Ра́дуйся, я́ко си́е че́стне в це́ркви погребѣся; ра́дуйся, я́ко о́ное на исцелѣние вѣрным даде́ся.

Ра́дуйся, я́ко си́лу воскресѣния Христо́ва явля́еши; ра́дуйся, я́ко зарю́ всеобщего воскресѣния проповѣдуеши.

Ра́дуйся, истины Правосла́вия несомне́нное уверѣние; ра́дуйся, вѣры благода́тныя нелѡжное извещѣние.

Ра́дуйся, священномучениче Гермогѣне, Сиби́рския земли́ светѣльниче.

Конда́к 13

О пресла́вный священномучениче Христо́в Гермогѣне, тѣлом в хра́ме Бѡжием пребыва́я, ду́хом же Престо́лу Бѡжию предстоя́, при́зри с высоты́ Небе́сныя на лю́ди, предстоя́щия ра́це мощѣй твои́х и с любѡви́ю прославля́ющихъ Бѡга, дѣвнаго во святы́х Свои́х, и тебѣ призыва́ющихъ. Укрепи́ нас моли́твами твои́ми в вѣре правосла́вней, да му́жественне преодолѣ́вше вся испытѡния земна́я, дела́ми вѣры и несѣнием креста́ своего́ сподо́бимся уллучи́ти оби́тели Небе́сныя во Цѡрствии Христо́а, Бѡга на́шего, да благодарно поѣм Ему́: **Аллилу́иа.**

Сей конда́к чти три́жды. Таже И́кос 1 и Конда́к 1.

Моли́тва ко священномученику Гермоге́ну

О па́стырю до́брый, святы́й священномучениче Гермоге́не, от ю́ности твоея́ Го́споду Иису́су Христу́ усер́дно послéдуя, всею́ душо́ю Того́ возлюби́л еси́; в учи́тельстве до́бре подвиза́ясь и епи́скопство досто́йно восприя́в, Це́ркви Правосла́вней послужи́л еси́, мно́гия ско́рби претерпе́в, ве́ру сохрани́в и Бо́га просла́вив, напоследок же мученическим венце́м венча́лся еси́: и ны́не в Небе́сных оби́телех пребыва́яй, па́ству свою́ назира́еши и духо́вно окормля́еши. Услы́ши моле́бный глас ча́д свои́х, пред святы́ми твои́ми моща́ми предстоя́щих и ме́сто погребéния твоего́ чту́щих, заступника и ходата́я тя пред Го́сподем ве́дущих. Умоли́ Го́спода Бо́га, да утверди́т в стране́ Росси́йстей ве́ру правосла́вную, да да́рует па́стырем и па́стве ре́вность о благоче́стии и спасéнии, отроко́м уча́щимся нау́к разумéние, всем же друг ко другу́ любóвь и согла́сие, заблудших да обрати́т и соедини́т Це́ркви Свое́й Святе́й, е́реси и раско́лы да упраздни́т, и вся правосла́вныя христиа́ны да спасéт и поми́лует, и сподо́бит Небе́снаго Ца́рствия, иде́же ты ра́достно по трудéх и по́двизех ны́не почива́еши, прославля́я со все́ми святы́ми Бо́га в Тро́ице сла́вимаго Отца́ и Сы́на и Свята́го Ду́ха, в безконéчныя ве́ки. **Ами́нь.**

